

استرا بدلی

عثمانی مملکتلری ایچون :
ییلغی بر بوجوق لیرا

اجنبی مملکتلری ایچون :
ییلغی ۳۳ مازق - ۴ قرانق

دانه سی ۳ غروش

ییل ۱ صای ۳۸

اقتصادیایا

مجموعه سی

خاله

علمی و عملی هر نوع اقتصادی مسئله لر دن بحث ایدر و هر پر شنیه کونی چیقار

اداره خانه : استانبول ، سلطان حمای - معقولیان خانی

اعلامه بدلی

بردقعه لق هر سطر ایچون :
یکرمی غروش

سنه لك اعلان ایچون
آریجه آ کلاشیلیر

۲۹ کانون اول ۳۳۲

مشترکاً بوبابده لازم کن تدقیقاتك ایفاسنه وایجاب ایدن تشبثاته
توصل ایله بیلیرز.

کچن سنه نك محصولی حقدنه مالیه نظارت جلیله سندن
وفابریقه ویاغخانه لرد و زیتون محصولنك فصل طویلاندیچنه
دائر معلومات لازمه نك ده ایجاب ایدن ولایت وسنجاقلردن
طلبنه مساعده بیورلسنی ومصرفات واقعه مزك دها قطعی
واطرافلی اوله میشی سیاحت مزك یالکیز مدانییه انحصار ایدوب
ازمیر، بیغا، قره سی کبی زینون منطقه لرنده دخی تدقیقات
لازمه نك ایفا قلنه مامسندن ایلری کلدیکی جهته بوبابده معذور
کورلمک کمزری تنی ایله اشبو راپور منز تقدیم حضور عالی
نظارینا هیلری قلندی.

صنایع مدیریتی مهندسی صنایع مفتیشی
فوار در راه



اقتصادیات مجلسی

بودن بر سنه اول تشکیل تصور اولنان اقتصادیات مجلسی نهایت
قودن فعله حقدنشد. زیرده مندرج اولوب هنوز اراده سنیه
اقتران ایتمیان نظامنامه دن ده آکلاشلدینی وجهله مذکور مجلس استشاری
بر ماهیتی حائر اوله جقدر. اهضالرتجارت وزراعت ناظرلی طرفندن
تعیین اولندیکی کی روزنامه مذاکراتک تعیینی، ومذاکرات نتیجه سنده
قطعی قرار اتخاذی ینه ناظره عائد بر حقدر.

مذکور مجلس ایلك اجتماعی ۱۹ کانون اول بازار ایرته سی کونی
ناظر احمد نسیمی بک افندی حضرتلرتنک ریاستی آلدده عقد ایتمشد.
اجتماعده طبیعی اعضا اولق اوزره زراعت وتجارت نظارتی مستشاری
مصطفی شرف تجارت مدیر عمومیمی منیر، زراعت مدیر عمومیمی
نسب، صنایع مدیر عمومیمی سعید، نافع نظارتندن نافع مدیر
عمومیمی سلیمان سری، طرق ومعارف مدیر عمومیمی صلاح الدین، بیور
یوللری مدیر عمومیمی مصطفی، حارجیه نظارتندن امور اداره مدیر
عمومیمی سعاد، مالیه نظارتندن مستشار حسن تحسین، واردات
مدیر عمومیمی فائق نزهت، رسومات مدیر عمومیمی سری بکر،
منصوب اعضا اولق اوزره ده مرکز عمومی اعضاسندن دارالفنون
اجتماعیات مدرسی ضیا کونک آلپ، استانبول مرخصی کمال، دیوان
محاسبات رئیس توفیق، بانق عثمانی قومیدری حامد، وسائر ذوات
کرام حاضر بولمشلردر. اجتماع اوچ درت ساعت دوام ایتش وپک
مهم مسئله لر موضوع بحث اولمشدر.

مذاکرات اثناسنده کوزیاده مناقشات سببت ویرن مسئله حیات
اقتصادیه سربستی و مداخله اساسلردر. اتفاقه یقین بر اکثریت
حیات اقتصادیه ده دولت طرفندن مداخله اولنسی جهتی التزام ایتمشد که
بوکون ممالک متدنه نك اکثریسنده سیاست اقتصادیه و اجتماعیه ده
اک زیاده بو اساس حاکمدر. ایکنجی اجتماع ۲۴ نجی کانون اول
جمعه ایرتنی کونی عقدی قرارگیر اولمشده ده مولد نبوی به مصادف
اولقی اعتباریله عقد اجتماع اولنه مامشدر.

نظامنامه احکامنه کوره اقتصادیات مجلسی ناظر بکک دعوتی
اوزرینه یکیدن طویلانه جقدر. استخباراتنزه نظراً زراعت و تجارت
نظارتی مذکور مجلس ایچون مجلس ملیدن بش بیک لیرا تخصیصات
طلب ایتمشد. مجلس مبعوثان موازنه انجمنی مذکور تخصیصاتی شمیدیلک
قبولدن امتناع ایدیور.

مجموعی ۲۴ اعضادن عبارت اوله جق اولان مجلس اعضاسنک
جمله سی هنوز تعیین اولنه مشدر. شمیدیلک مجلس ۱۷ اعضادن مرکبدر.
دیگر اعضا یقینده تعیین اولنه جقدر.

اقتصادیات مجلسی تشکیلات و وظائفنه دائر

اراده سنیه لایحه سی

ماده — ۱ تجارت و زراعت نظارتنده بر اقتصادیات مجلسی
تشکیل اولمشدر. مجلس اعضای طبیعه ومنصوبه اولق اوزره یکریمی
درت ذاندن متشکل اولوب ریاستی تجارت و زراعت ناظرینه عائددر.

ماده — ۲ اعضای طبیعه ذوات آتیه دن متشکلدر:
تجارت حارجیه مدیر عمومیمی، تجارت، زراعت، صنایع
مدیر عمومیلرله واردات عمومیه و رسومات مدیر عمومیلری و بیور
یوللری طرق و معابر و نافع مدیر عمومیلری.

اعضای منصوبه اعیان، مبعوثان، دارالفنون معلملری، تجارت
اوله لرنده ریاست و اعضالقی ایدن ذوات و اقتصادیات ایله توغل
ایدرك تعارف و اشتهار ایتش کیسه لر آره سندن تجارت و زراعت
ناظرنجه بالاتخاب عرض عتبه علیا قلنه رق صادر اوله جق اراده سنیه
ایله اوچ سنه ایچون تعیین اولنور.

اعضای منصوبه نك مأموریت دولنده بولنسی انتخاب و تعییننه
مانع دکدر.

ماده — ۳ اقتصادیات مجلسنک روزنامه مذاکراتی ترتیب
حق منحصراً تجارت و زراعت نظارتنه عائددر.

مجلس تجارت و زراعت ناظرینک دغوتی اوزرینه اجتماع ایدر.
تجارت، زراعت و صنایعه، کمرک و وسائط نقلیه تعرفه لرینه
و اقتصادیاتک دیگر شعبه لرینه تعلقی اولان خصوصاته عائد قانون
لایحه لری، قوانینک تطبیقاتنه متناهد تدابیر عمومیه اجرائیه، تجارت
بحریه نك تشویقاتنه دائر مواد مذاکره اولنقی و مطالعه سی آلنقی
اوزره مجلسه تودیع اولنه بیلیر.

ماده — ۴ نظارک کافه سی اقتصادیات مجلسنه داخل اوله رق
مذاکراتده بولنقی صلاحیتی حاکمدر.

اقتصادیات مجلسی لزوم کوردیکی تقدیرده فکر و مطالعه سی
استماع اولنقی اوزره اعضای طبیعه ومنصوبه خارجده ذوات دعوت
ایده بیلور.

ماده — ۵ اقتصاد مدیرلرندن ورودایدن راپورلر طبع اولنه رق
اقتصادیات مجلسی اعضاسنه توزیع وبخصوصه عائد اعضالرک مطالعه لری
استماع اولنور.

ماده — ۶ اقتصادیات مجلسیه اقتصاد مدیرلرینه عائد دفاتر
و اوراقی تنظیم ومحافظه ایتک اوزره اکی بیک بشیوز غروشن معاشله
برکاتب تعیین اولنه جقدر. کاتب، مجلسک اجتماعاتنده حاضر بولنه رق
ضبط طوته جقدر.

ماده — ۷ مجلس اعضاللی فغری اولوب آنجی هر اعضایه
حق حضور اوله رق بر لیرا ویرپله جکدر.